



REPUBLIKA E KOSOVËS / REPUBLIKA KOSOVA

GJYKATA THEMELORE PRIZREN

Numri i lëndës: 2022:223323

Datë: 01.03.2024

Numri i dokumentit: 05400361

P.nr.1143/22

NË EMËR TË POPULLIT

GJYKATA THEMELORE PRIZREN, Departamenti i Përgjithshëm Penal - gjyqtari Lulzim Hoxha, me bashkëpunëtoren profesionale Afërdita Kicaj, në lëndën penale kundër të akuzuarit: B. (S.) A., nga fshati Reqan K.Prizren, për shkak se ka kryer veprën penale: lëndim i lehtë trupor nga neni 185 para.3 nën para. 3.1 lidhur me para.1 nën para. 1.4 të Kodit Penal të Republikës së Kosovës KPRK-së, nr.06/L-074, i akuzuar sipas aktakuzës të Prokurorisë Themelore në Prizren PP/II.nr.1177-12/22 të datës 28.10.2022, në seancën publike të shqyrtimit fillestar në prezencën e Prokurorit të Shtetit Mehreme Hoxha, e dëmtuara A.A., me mbrojtësin av. A.A., , i akuzuari B (S.) A., me mbrojtësin e tij av. Fi.Sh., , me datën 29.02.2024, mori dhe shpalli, ndërsa me datën 29.02.2024 përpiloi këtë:

A K T G J Y K I M

I akuzuari:

B. A., nga i ati S. dhe e ëma e lindur, i lindur mënë Prizren, tani me banim në fshati Reqan K. Prizren, ka të kryer shkollën e mesme, punëtor, i pa martuar, i gjendjes së mesme ekonomike, shqiptar, shtetas i Republikës së Kosovës, me numër personal të letërnjoftimit

.....

ËSHTË FAJTOR

Me datë 16.06.2022, rrethe orës 23.20 minuta, në fshatin Mushnikov, Komuna e Prizrenit, i pandehuri B. A., i shkakton lëndime trupore të dëmtuarës – të miturës A.A., – viktimë e ndjeshme për shkak të moshë së mitur, në atë mënyrë që pas një mosmarrëveshje paraprake mes tyre, natën kritike derisa e dëmtuara kishte qenë në lokal nate – muzikë së bashku me shoqet e saj, për një moment i ofrohet i pandehuri i cili në gjendje të acaruar fillimisht e kap për flokë të dëmtuarën dhe me forcë e fut në automjetin e tij e më pas gjatë rrugës me grusht e godet në kokë, me ç ‘rast e dëmtuara pëson lëndime të lehta trupore dhe ate kontuzion i kokës dhe reaksion stesogjen, gjendje kjo e konstatuar sipas ekspertizës mjekoligjore të Dr. A:G., , datë 13.10.2022.

Me këto veprime ka kryer veprën penale: lëndim i lehtë trupor nga neni 185 para.3 nën para. 3.1 lidhur me para.1 nën para. 1.4 të Kodit Penal të Republikës së Kosovës KPRK-së, nr.06/L-074.

Andaj, gjykata në bazë të dispozitave të lartshënuara dhe neneve 4, 7, 8, 9, 17, 38, 39, 46, 47, 48, 49, 50, 69, 70, 71,72, të KPRK-së, si dhe nenit 364 KPPRK-së, të akuzuarit i shqipton:

DËNIMIN ME KUSHT

- Duke ia vërtetuar dënimin me burgim në kohëzgjatje prej gjashtë (6) muaj, i cili dënim nuk do të ekzekutohet nëse i akuzuari brenda afatit të verifikimit prej 1 (një) viti nuk kryen ndonjë vepër tjetër penale.
- Në qoftë se i akuzuari gjatë kohës së verifikimit kryen një apo më shumë vepra penale për të cilat është shqiptuar dënimi me burgim prej dy (2) apo më tepër vjet i njëjti do të revokohet.
- OBLIGOHET i akuzuari që ti kompensoj shpenzimet e procedurës penale, sipas llogarisë përfundimtare, duke përfshirë të gjitha shpenzimet, kurse në emër të paushallit gjyqësor të paguaj shumën prej njëzet (20) euro, në emër të ekspertizës mjeko-ligjore shumën prej njëzet (20) euro, si dhe për fondit për kompensimin e viktimave të krimit shumën prej njëzet (20) euro, të gjitha këto, brenda afatit prej 15 ditësh nga dita e plotfuqishmërisë së këtij aktgjykimi, nën kërcënimin e përmbarrimit ligjor.
- E dëmtuara me adresë si në shkresat e lëndës për realizimin e kërkesës pasurore juridike udhëzohet në kontestin e rregullt civil-juridik.
- Urdhërohet Shërbimi Sprovues i Kosovës-dega në Prizren, që të bëjë mbikëqyrjen e dënimit me kusht.

A r s y e t i m

Prokuroria Themelore në Prizren, ka parashtruar aktakuzë nën numrin PP/II.nr. 1177-12/22 të datës 28.10.2022, kundër të akuzuarit B. (S.) A., nga fshati Reçan K. Prizren, për shkak se ka kryer veprën penale: lëndim i lehtë trupor nga neni 185 para.3 nën para. 3.1 lidhur me para.1 nën para. 1.4 të Kodit Penal të Republikës së Kosovës KPRK-së, nr.06/L-074.

Duke vepruar në këtë çështje penale, gjykata ka caktuar shqyrtimin fillestar më datë 29.02.2024, në të cilin seancë i akuzuari e ka pranuar fajësinë për veprën penale e cila i vihet në barrë sipas aktakuzës së lartcekur.

Bazuar në pranimin e fajësisë nga ana e të akuzuarit dhe konform dispozitave të nenit 241 e 242 të KPP-së, gjykata nuk është lëshuar në procedimin e provave.

I akuzuari B. A., deklaron se: e ka të qartë aktakuzën dhe e pranon fajësinë sipas pikave të aktakuzës.

Mbrojtësi i të akuzuarit nuk e kundërshton pranimin e fajësisë.

Përfaqësuesi i palës së dëmtuara deklaroi se: nuk e kundërshton pranimin e fajësisë, dhe parashtron kërkesë pasurore juridike për të dëmtuarës.

E dëmtuara deklaroi se: pajtohet me përfaqësuesit të saj

Prokurori i shtetit deklaroi se: nuk e kundërshton pranimin e fajësisë

Palët heqën dorë nga seanca mbi caktimin e dënimit.

Në shqyrtimin fillestar, gjykata, pas dëgjimit të palëve, ka marrë aktvendim me të cilin e ka pranuar pranimin e fajësisë, ngase ka konstatuar se janë plotësuar të gjitha kushtet ligjore për një gjë të tillë, në këtë aspekt, i akuzuari e ka kuptuar natyrën dhe pasojat e pranimit të fajësisë, se pranimi i fajësisë është bërë vullnetarisht nga i akuzuari, se pranimi i fajësisë mbështetet në faktet e çështjes që përmban aktakuza dhe aktakuza nuk përmban asnjë shkelje të qartë ligjore ose gabime faktike.

Gjykata në shqyrtim fillestar nga pranimi i fajësisë nga ana e të akuzuarit dhe provave materiale në shkresat e lëndës, ka vërtetuar këtë gjendje faktike:

Me datë 16.06.2022, rrethe orës 23.20 minuta, në fshatin Mushnikov, Komuna e Prizrenit, i pandehuri B A., i shkakton lëndime trupore të dëmtuarës – të miturës A.A., – viktimë e ndjeshme për shkak të moshë së mitur, në atë mënyrë që pas një mosmarrëveshje paraprake mes tyre, natën kritike derisa e dëmtuara kishte qenë në lokal nate – muzikë së bashku me shoqet e saj, për një moment i ofrohet i pandehuri i cili në gjendje të acaruar fillimisht e kap për flokë të dëmtuarën dhe me forcë e fut në automjetin e tij e më pas gjatë rrugës me grusht e godet në kokë, me ç ‘rast e dëmtuara pëson lëndime të lehta trupore dhe ate kontuzion i kokës dhe reaksion stesogjen, gjendje kjo e konstatuar sipas ekspertizës mjekoligjore të Dr. A.G., , datë 13.10.2022.

Me këto veprime ka kryer veprën penale: lëndim i lehtë trupor nga neni 185 para.3 nën para. 3.1 lidhur me para.1 nën para. 1.4 të Kodit Penal të Republikës së Kosovës KPRK-së, nr.06/L-074.

Gjykata, gjendjen e këtillë faktike e ka vërtetuar nga vet pranimi i fajësisë prej të akuzuarit, i cili në seancën e shqyrtimit fillestar vullnetarisht ka pranuar fajësinë, andaj gjykata nuk ka administruar provat. Sipas detyrës zyrtare, gjykata nuk gjeti se ekziston ndonjë provë e pa pranueshme sipas nenit 251 të KPPK-së.

Gjithashtu, në tërësi ka vërtetuar se i akuzuari e ka kuptuar natyrën dhe pasojat e pranimit të fajit, pranimi i fajit është bërë në mënyrë vullnetare dhe pa kushtëzim dhe mbështetet në fakte dhe prova materiale të cilat janë paraqitur në aktakuzë, për të cilat i akuzuari ka qenë i njoftuar me të gjitha provat materiale dhe se aktakuza nuk përmban asnjë shkelje të qartë ligjore ose gabime faktike.

Kësisoj, gjykata ka ardhur në përfundim se pranimi i fajësisë nga ana e të akuzuarit është bërë në pajtim me nenin 240 lidhur me neni 242 të KPPK-së, dhe se në veprimet e të akuzuarit, formohen të gjitha elementet e veprës penale: sulmi nga neni 184 para.3 nën parag.3.1 lidhur me para.1 të Kodit Penal të Republikës së Kosovës KPRK-së, nr.06/L-074, dhe për këtë gjykata ka vendosur që të akuzuarin ta shpall fajtor dhe t'i shqiptoj dënimin si në dispozitiv të këtij aktgjykimi, paraprakisht duke e vërtetuar përgjegjësinë e tij penalo-juridike.

Gjatë marrjes së vendimit mbi llojin dhe lartësinë e dënimit, gjykata ka vlerësuar të gjitha rrethanat lehtësuese dhe rënduese të parapara në nenin 69, 70, 71.72 të KPK-së, të cilat ndikojnë në zgjedhjen e llojit dhe lartësisë së dënimit. Prej rrethanave lehtësuese, gjykata ka vlerësuar pranimin e fajësisë nga ana e të akuzuarit, pendimin për rastin e ndodhur, kërkim faljen dhe i premtoj gjykatës se nuk do të përsërisin veprime të tilla kundërligjore. Ndërsa si rrethanë rënduese gjykata mori për bazë, veprën penale të kryer, niveli i dëmtimit të vlerës së

mbrojtur, mënyrën e kryerjes së veprës penale, shkallën e lartë të dashjes, ku i akuzuari me dashje përdor forcën ndaj të dëmtuarës – të miturës A.A.,– viktimë e ndjeshme për shkak të moshë së mitur, në atë mënyrë, natën kritike derisa e dëmtuara kishte qenë në lokal nate – muzikë së bashku me shoqet e saj, për një moment i ofrohet i pandehuri i cili në gjendje të acaruar fillimisht e kap për flokë të dëmtuarën dhe me forcë e fut në automjetin e tij e më pas gjatë rrugës me grusht e godet në kokë duke i shkaktuar lëndime të lehta trupore, andaj duke u bazuar në të lartcekurat, gjykata i shqiptoi dënimin me kusht sepse konsideron se me këtë masë sanksionuese do të arrihet qëllimi i dënimit, duke menduar se dënimi i shqiptuar i përgjigjet shkallës së përgjegjësisë së tij dhe me këtë dënim do të arrihet qëllimi i dënimit që në të ardhmen të jetë i kujdesshëm dhe do të përmbahet nga veprimet e tilla kundërligjore

Gjykata vendimin e ka mbështetur duke u bazuar edhe në neni 38 i KPK-së i cili konsiston në *“parandalimin e të akuzuarit nga kryerja e veprave penale në të ardhmen dhe të bëj rehabilitimin e tij, të parandalojë personat tjerë nga kryerja e veprave penale dhe të shprehë gjykimin shoqëror për veprën penale, ngritjen e moralit dhe forcim detyrimin për respektimin e ligjit”*.

- Vendimi mbi shpenzimet e procedurës dhe paushallin gjyqësor, gjykata e mori në kuptim të nenit 449 dhe 452 para. 1 të Kodit të Procedurës Penale të Kosovës (KPPK-së).
- I dëmtuari me adresë si në shkresat e lëndës për realizimin e kërkesës pasurore juridike udhëzohet në kontestin e rregullt civil-juridik.
- Vendimi mbi kompensimin e viktimave të Krimin, gjykata e mori në kuptim të nenit 36 parag.3 pika 3.1 të Ligjit me numër 08/L-109. ku thuhet *“për veprën penale që gjykohet në Departamentin e Përgjithshëm të Gjykatës Themelore shuma është prej njëzet (20) Euro”*.

Nga të cekurat si më lartë, u vendos si në dispozitiv të këtij aktgjykimi.

GJYKATA THEMELORE NË PRIZREN

Departamenti i Përgjithshëm
P.nr.1143/22, të datës 29.02.2024

B. Profesionale,
Afërdita Kicaj

Gjyqtari
Lulzim Hoxha

UDHËZIM JURIDIK: Kundër këtij aktgjykimi palët kanë të drejtë ankese në afat prej 30 dite nga dita e pranimit të të njëjtit, ankesa i drejtohet Gjykatës së Apelit në Prishtinë nëpërmjet të kësaj gjykate.